

嚴氏濟生方

再按

五



門武
第
卷



嚴氏濟生方卷之九

婦人論

論曰夫婦人乃衆陰所集常與濕居貴乎血盛氣衰者血盛氣衰是謂從從則百疾不生血衰氣盛是謂逆逆則災害至矣且婦人嗜慾多於丈夫生病倍於男子及其病也此之男子十倍難療尤不可不致若夫四時節氣喜怒憂思飲食房勞為患者悉與丈夫同也右如七癥八瘕九痛十二帶下產蓐乃男子所無之證此其生病倍於男子也又凡慈戀愛憎嫉妬憂患抑鬱不能自釋為病深固者所以治療十倍

難於男子也。由是婦人別立方，焉儻能推所自而調之，可謂盡善盡美矣。

求子論治

論曰：素問云：夫天地者，萬物之父母也。陰陽者，血氣之男女也。夫有夫婦，則有父子；婚姻之後，則有生育。生育者，人倫之本也。且男女之合，二情交暢，陰血先至，陽精後衝，血開裏精，陰外陽內，陰含陽胎，而男形成，與陽精先至，陰血後參，精開裏血，陽外陰內，陽含陰胎，而女形成。與若夫受形之易者，男女必當其年，男子二八精氣溢，瀉必三十而娶，女子二七天癸至。

必二十而嫁，欲其二氣充實，然後交合，交而孕，孕而育，育而壽。儻若婚嫁不時，真氣早泄，未完而傷，是以交而不孕，孕而不育，育而不壽者，多矣。以之觀之，男女婚姻，貴乎及時。夫婦貴乎益壯，則易於受形也。且父少母老，生女必羸；母壯父衰，生男必弱。誠有斯理。或男子真精氣不濃，婦人血衰而氣旺，是謂夫病婦疹，皆使入無子治療之法。女子當養血抑氣，以戒喜怒。男子益腎生精，以節嗜慾。依方調治，陰陽和平，則婦人樂有子矣。

抑氣散治婦人氣盛於血，所以無子。尋常頭暈腦滿。

體痛怔忡皆可服之香附子乃婦人之仙藥也不可謂其耗氣而勿服

香附子 炒并淨 四兩 茯神 去木二兩 橘紅 二兩

甘艸 二兩

右為細末每服二錢食前用沸湯調服仍兼進紫

石英圓

紫石英圓治婦人血弱于臟風冷凝滯冷入少子

紫石英 火煨醋淬七次 禹餘糧 火煨醋淬七次

熟地黃 洗 紫葳 辛夷仁

桂心 不見火 卷栢葉 醋炙 牡蒙

川續斷 酒浸 石斛 去根 栢子仁 炒別研

川烏 炮去皮 川牛膝 去青酒浸 芎藭

烏賊魚骨 醋炙 當歸 去青酒浸 牡丹皮 去木

甘艸 炙已上各二兩 桑上寄生 山藥 劉炒

食茱萸 炒 細辛 洗去土葉 乾姜 炮

人參 厚朴 姜汁製炒 各半兩 天門冬 洗去心 一兩半

右為細末煉蜜為丸如梧桐子大每服七十九丸加至一百丸空心食前用溫米飲任下惡蜜者用醋糊為丸亦佳

陽起石圓治丈夫真精氣不濃不能施化是以無子

陽起石 火煨紅研極細

鹿茸 酒蒸焙

兔絲子 水淘淨浸蒸焙別研

天雄 炮去皮臍

韭子 炒

肉蓯蓉 酒浸已上各一兩

覆盆子 酒浸

石斛 去根

桑寄生

沉香 別研

原蠶蛾 酒炙

五味子 已上各半兩

右細末酒煮糯米糊為圓如梧桐子大每服七十圓空心服鹽湯溫酒任下

惡阻論治

論曰內經云陰搏陽別謂之有子三部脈浮沉正等無病者乃知有娠也妊既受矣多病惡阻惡阻者世謔所謂惡食是也此由婦人本虛平時喜怒不節當風取

冷中脘宿有痰飲受妊經血既閉飲血相搏氣不宜通遂致心下憤悶頭暈眼花四肢沉重懈怠惡聞食氣喜食鹹酸多臥少起甚則吐逆不自勝持治療之法順氣理血豁痰道水然後安平矣

參橘散治妊娠三月惡阻吐逆不食或心虛煩悶

赤茯苓 去皮

橘皮 去白已上各一兩

麥門冬 去心

白朮

川厚朴 姜升製炒

人參

甘艸 炙已上各半兩

右取咀每服四錢重水一盞半生姜七片刮竹茹如指大煎至七分去滓溫服不拘時候

旋復半夏湯治_下妊娠阻病心中潰悶吐逆不食惡聞

食氣頭暈四肢百節煩痛多臥少起_上

旋覆花 去枝莖 芎藭 細辛 洗去土

人參 炙已上 甘州 炙已上 半夏 湯炮七次

赤茯苓 去皮 當歸 去芦酒浸 乾生姜

陳皮 去白已上 各一兩

右咬咀每服四錢水一盞半姜五片煎至七分去

滓溫服不拘時候

人參半夏丸治_下妊娠惡阻病醋心胸中冷腰痛吐逆

不喜飲食

半夏 湯泡七次

人參 乾生姜 已上各半兩

右為細末以生地黃汁浸蒸餅為丸如梧桐子大每服四十丸用米飲送下不拘時候

縮砂散治_下妊娠胃虛氣逆嘔吐不食

縮砂仁 不拘多少

右為細末每服二錢入生薑自然汁少許沸湯煎

服不拘時候

子煩論治

論曰妊娠四月六月多苦煩悶按_{醫經}四月受少陰君火氣以養精六月受少陽相火以養氣所以如是

又有不拘此兩月而苦煩悶者由母將理失宜七情

傷感心驚膽怯而然也

麥門冬湯治妊娠心驚膽怯煩悶名曰子煩

麥門冬 去心

防風

白茯苓 去皮已上各一兩

人參 半兩

右以咀每服四錢水一盞半生薑五片入淡竹葉

十片煎至八分去滓溫服不拘時候

滑胎論治

論曰懷妊十月形體成就入月合進瘦胎易產之藥今世多用枳殼散非為不是若胎氣肥實可以服之

况枳殼大能瘦胎胎氣本性怯宜又瘦之也不若
救生散安胎益氣令子緊小無病易產又且多火穩
當

救生散安胎益氣易產

人參

訶子 製去核

麥蘖 炒

白朮 炒

神麴 炒

橘紅 炒

右六味等分為細末每服三錢水一盞煎至七分
空心食前溫服

校正時賢胎前十八論治

第一問妊娠三兩月胎動不安者何答曰男女陰陽

會通血氣調勻乃成其孕設若下血腹痛蓋由于宮
久虛致命胎墮其危甚於正產若妊娠曾受此苦可
預服杜仲圓以養胎

杜仲圓

杜仲

去皮剉姜汁
浸炒去絲

川續斷

酒浸各二兩

右為細末棗肉煮爛杵和為圓如梧桐子大每服

七十圓空心用米飲送下日進二服

第一問胎動腹痛者何答曰胎動腹痛其理不一蓋
緣飲食冷熱動風毒物或因再交稍動骨節傷兒胞
胎其候多嘔氣不調和或服熱藥太過氣血相干急

服順氣藥安胎不然變成漏胎則難療矣
如聖湯

鯉魚皮

當歸

去芦酒浸

熟地黃

酒蒸

阿膠

剉蛤粉炒
成珠子

白芍藥

川芎

川續斷

酒浸

甘州

各等分

右取阻每服四錢水一盞半入苧根少許生薑五
片煎至七分去滓溫服空心食前

第三問胎漏經血妄行者何答曰妊娠成形胎息未
實或因房室驚觸勞力過度傷動胞胎或食毒物致
令子宮虛滑經血淋瀝若不急治敗血滲心子母難

保日漸胎乾危也不支

桑寄生散治妊娠胎動不安下血不止

桑寄生

當歸 去芦酒浸

川續斷 酒浸

芎藭

香附子 炒去毛

阿膠 剉蛤粉炒成珠子

茯神 去木

白朮 已上各一兩

人參 半兩

甘艸 炙半兩

右咬咀每服四錢水一盞半姜五片煎至七分去

滓溫服不拘時候

佛手散治妊娠自四五月至七月因而築碁口噤欲

絕用此藥探之若不損則痛止子母俱安若胎已損

立便逐下

當歸 去芦酒浸

芎藭 各一兩

右一件咬咀每服四錢酒一盞煎令欲乾却入水

一盞再煎三二沸去滓溫服如口噤者時時灌下

如人行五七里再進一服不過三服便生也

膠艾湯治妊娠不問月數淺深因頓仆胎動不安腰

腹疼痛或胎奔上刺心短氣

熟地黃 洗

艾葉 炒

白芍藥

川芎

黃耆 去芦

阿膠 剉蛤粉炒成珠子

當歸 去芦酒浸

甘艸 炙已上各一兩

右改咀每服四錢水一盞半生姜五片棗子一枚煎至七分去滓溫服食前

安胎散治妊娠從高墜下或為重物所壓觸動胎氣腹痛下血服此藥後覺胎動極熱胎已安矣

縮砂 不拘多少

右於烈斗內炒令熟透却去皮取仁研為細末每服二錢熱酒調服不飲酒煎艾鹽湯調服米飲亦可不拘時候

第四問妊娠面赤口苦舌乾心煩腹脹者何答曰蓋緣恣情飲酒因食桃李羊雞麪魚膾腥毒物致令

百節痠痛大小便結澀可服歸涼節命散

川芎 芎根 白芍藥

麥門冬 去心 常歸 去芦酒浸 白朮 各一兩

糯米 半合 甘艸 炙半兩

右改咀每服四錢水一盞半煎至一盞去滓溫服不拘時候

大腹皮散治妊娠大小便赤澀

枳殼 去穢炒 大腹皮 甘艸 炙各二錢

赤茯苓 去皮三錢

右四味為末每服二錢濃煎葱白湯調下不拘時
候

冬葵子散治妊娠小便不利身重惡寒起則眩暈及
水腫

冬葵子 三錢 赤茯苓 去皮二錢

右為細末每三錢米飲調服不拘時候利則住
服如不通恐是轉胞加髮灰少許神效曾有妊婦
腹脹小便不利吐逆諸醫難進溫脾胃寬氣去脹
等劑服之反吐藥物不納轉加脹滿奏心驗之胎
死腹中又服諸下胎藥不能通解舉家憂惶因得

鯉魚湯論曰脚腫俗呼為雞脚亦有通身腫滿心
胸急脹名曰胎水遂去妊婦心前衣服者之胸肚
不分急以鯉魚湯三五服大小便皆下惡水腫消
脹去方得分免死胎可謂更生之人矣此證蓋緣
懷身腹大妊婦不自知覺人人皆以謂身娠如此
終不以為胎水病醫人何以得知故書此諭病家
自當覺察

鯉魚湯
當歸 去芦酒浸 白芍藥 各三錢 白茯苓 去皮四錢
白朮 五錢

右吹咀每服四錢用鯉魚一尾不拘大小破洗鱗腸白水煮熟去魚每服用魚汁一盞半生姜七片橘皮少許同煎至一盞空心服如胎水去未盡再合服

第五問胎冷腹痛虛痛兩脇虛鳴臍下冷疼欲泄小便頻數大便虛滑者何答曰胎氣既全于形或質或食瓜果甘甜飲冷不時之物當風取涼受不時之氣則令胎冷于身不能安處皮毛疼痛筋骨拘急手足攣拳致使母有此危證急服安胎和氣散安胎和氣散

訶子 變裏煨 去核

白朮 各一兩

陳皮 去白

高良姜 剉炒

木香 不見火

白芍藥

陳米 炒

甘州 各各半兩

右吹咀每服四錢水一盞半生姜五片煎至七分去滓溫服不拘時候忌生冷物

第六問妊娠心神忪悸睡裏多驚兩脇膨脹腹滿連臍急痛坐臥不寧氣急逼迫胎驚者何答曰胎氣既成五臟安養皆因氣悶或為喧呼心忪悸亂致令胎驚筋骨傷痛四大不安急煎大聖散安胎孕則無危矣

大聖散

白茯苓 去皮

川芎

麥門冬 志

黃耆 去芦 蜜水炙

當歸 去芦 酒浸 各一兩

木香 不見火

人參

甘柳 炙 各半兩

右咬咀每服四錢水一盞半姜五片煎七分去滓

溫服不拘時候

紫蘇飲治胎氣不和湊上心腹脹滿疼痛謂之_子懸

大腹皮

川芎

白芍藥

陳皮 去白

紫菀葉

當歸 去芦 酒浸 各一兩

人參

甘柳 炙 各半兩

右咬咀每服肆錢水一盞半生姜五片葱白七寸煎至七分去滓溫服空心

第七問懷孕月數未滿半產者何答曰本因臟腑虛微氣衰血弱病起相感精氣攻衝浸損榮衛有傷胞胎以致損落名曰半產急宜補治可保安寧稍緩變成虛勞不可醫也

芩藷補中湯養新血去瘀血補虛扶危

乾姜 炮

阿膠 剉碎粉炒

芩藷

五味子 各一兩

黃耆 去芦 蜜水炙

當歸 去芦 酒浸

白朮

赤芍藥 各一兩半

木香 不見火

人參

杜仲

去皮剉炒

甘州

炙各半兩

右以咀每服四錢水一盞半煎至一盞去滓通口服不拘時候

第八問妊娠小便淋瀝者何答曰本因調攝失宜子藏氣虛蓋緣酒色過度傷其血氣致水臟閉澀遂成淋瀝名曰子淋宜服安榮散通利小便

安榮散

麥門冬

去心

通州

滑石

各二錢

當歸

去芦酒浸

燈心

甘州

炙各半兩

人參

細辛

洗各一錢

右為細末每服三錢煎麥門冬湯調服不拘時候桑螵蛸散治妊娠小便不禁

桑螵蛸

十二箇炙

右為細末每服二錢空心食前米飲調服

白薇散治妊娠遺尿不知出

白薇

白芍藥

右等分為細末每服二錢食前酒調服

第九問妊娠下痢赤白者何答曰蓋因冷物傷脾辛酸損胃冷熱不調胎氣不安氣血凝滯下痢頻頻時有時無或赤或白腸鳴後重穀道疼痛急服蒙姜黃

連圓不問冷熱二證皆可服之

蒙姜黃連圓

乾姜炮

黃連去鬚

縮砂仁炒

芎藭

阿膠剉蛤粉炒

白朮各二兩

乳香別研三錢

枳殼去穢炒半兩

右為細末用鹽梅三箇取肉入少醋糊同杵勻如梧桐子大每服四十圓白朮乾姜湯下赤朮甘艸湯下赤白朮乾姜甘艸湯下並不拘時候

當歸芍藥湯治妊娠腹中疝痛下痢心下急滿

白芍藥

白朮去皮

當歸去芦酒浸

澤瀉

川芎日上各二兩

白朮一兩半

右為細末每服三錢溫酒調服米飲亦可空心食前忌生冷

第十問妊娠外感風寒渾身壯熱眼暈頭旋者何如答曰蓋因風寒客於皮膚傷於榮衛或洗項背或當風取涼致令頭目昏痛增寒發熱甚至心膈煩悶大抵產前二命所係不可輕易妄投湯劑感冒之初止宜進芎藭散以發散表邪其病自愈
芎藭散

紫蘇葉

川芎

白芍藥

白朮 麥門冬 去心 陳皮 去白

乾葛 已上各二兩 甘艸 炙半兩

右吹咀每服四錢水一盞半生姜五片葱白二寸煎至八分去滓溫服不拘時候

百合散治妊娠風壅相交咳嗽痰多心胸滿悶

百合 蒸 紫苑茸 洗 貝母 去心

白芍藥 前胡 去芦 赤茯苓 去皮

桔梗 去芦炒 甘艸 炙半兩

右吹咀每服四錢水一盞半姜五片煎至八分去滓溫服不拘時候

羚羊角散治妊娠中風頭項強直筋脉攣急言語寒澁痰涎不利或發搐不省人事各日子癩亦宜服之

羚羊角 鎊 川獨活 去芦 酸棗仁 炒去殼

五加皮 去木 薏苡仁 炒 防風 去芦

當歸 去芦酒浸 川芎 茯神 去木

杏仁 去皮尖 木香 不見火 甘艸 炙各二分半

右吹咀每服四錢水一盞半姜五片煎至七分去滓溫服不拘時候

第十一問妊娠瘡疾者何答曰榮衛虛弱脾胃不足或感風寒或傷生冷傳成瘡疾急服驅邪散莫待吐

逆見物不思卒難醫療

驅邪散

高良姜 洗

白朮

草果仁

橘紅

藿香葉

縮砂仁

白茯苓 去皮 各一兩

甘州 炙半兩

右以咀每服四錢水一盞半生姜五片棗子一枚

煎至八分去滓溫服不拘時候

第十二問妊娠喘急兩脇刺痛脹滿者何答曰蓋因五臟不利氣血虛羸因食生冷或發增寒唇青面白筋脉拘攣骨節痠痛皮毛乾澀上氣喘急大便不通

嘔吐頻頻平安散主之

平安散

厚朴 去皮姜汁炙

生姜 各二錢

乾姜 炮

陳皮 去白各一錢

川芎 半錢

木香 二分半

乾地黃 洗 一錢半 甘州 炙四錢

右以咀每服四錢水一盞半入燒鹽一捻煎至一

盞去滓通口服不拘時候亦宜服紫蘇飲方載第

六問下

第十三問妊娠頭旋目暈視物不見顛項腫核者何答曰蓋因胎氣有傷肝臟毒熱上攻太陽穴痛嘔逆

背項拘急致命眼暈生花若加涎壅危在片時急煎消風散主之

消風散

石膏煨

荊芥穗

川芎

白芷各一兩

甘菊花去枝梗

川羌活去芦

大豆黃卷炒

甘州各半兩

防風去芦

羚羊角鎊

當歸去芦酒浸

右咬咀每服四錢水一盞半入好茶半錢煎至八分去滓通口服食後有一妊婦將臨月兩眼忽然失明燈火不見頭痛目暈項顛腫滿不能轉頸

諸醫治療不瘥轉加危困偶得此方對証合之服病減七八獲安分免其眼帶吊起人物不辨有人云只四物湯加荊芥防風更於眼科對第四十九輓輻轉關證服天門冬飲子但以此二般藥間服日漸稍明大忌酒麪煎炙燒燻雞羊鵝鴨豆腐辛辣一切毒食并房勞及稍溫藥如其不然眼不復明也蓋此証為懷身娠多居火閣衣着裊襪厚蓋伏熱在裏或服補藥因食熱物太過致令胎熱肝臟壅極風衝入腦所致

天門冬飲子

天門冬 去心

知母

菴蔚子 各二兩

防風

去芦半兩

五味子

茯苓 去皮

川羌活

去芦

人參 各七錢半

右咬咀每服四錢水一盞半生薑三片煎至八分

去滓食後溫服

第十四問小腹虛脹者何答曰因食硬物傷胎胎既受病傳於脾胃脾胃氣虛冷通小腹狀若奔豚或腰重大便秘澀兩脇虛鳴宜服勝金散溫中下氣疾即安矣

勝金散

吳茱萸

去枝梗酒浸炒

陳皮 去白

乾生姜

乾姜

炮

川芎 各一錢半

厚朴 去皮姜炒

縮砂仁

炒

甘艸 炙各三錢

右為細末每服二錢鹽湯調服不拘時候

第十五問將產忽見橫倒者何答曰不能忌口恣情多食五臟氣滯六腑不和胎氣既肥或用力太早胎受驚觸急用瘦胎金液圓其兒身自順生矣

金液圓

飛生毛

火燒如液下毛尤佳半錢

血餘

無病女人髮燒灰半錢

公母羊糞

燒灰半錢

竈中心土 一錢

黑鉛

三錢用小銚子火上鎔投水銀半錢急攪結成砂子傾出細研

朱砂

半錢別研

右為細末用粽子角為圓如菜豆大遇難產急難以倒流水吞下五圓兒身自順則正產子母活矣
催生鉛丹治橫逆難產

黑鉛

一錢小銚子火上鎔投水銀二錢急攪結成砂子傾出用藥箱汗衫角紐作元子如菜豆大臨產吞下二元立便生

右譬如停水滅火積年無用偶爾不虞乃救一時之急也所謂胎前數證危急產後亦然於病勢不無過慮家有妊婦正當預備先合臨產或當煎下若得幸而無恙有不須服湯散必是棄之其元所費亦不為多

催生如聖散

黃蜀葵子

不拘多少

右為細末每服二錢用熱酒調服如不飲酒熱湯亦得

香桂散下死胎

麝香

半錢別研

官桂

三錢為末

右件和勻只作一服溫酒調服須臾如手推下第十六問欲產忽然氣血暈悶不省人事者何答曰本因用力太過肌理表微精神困倦心胸痞悶眼暈口噤面青髮直命在須臾急服靈藥

來甦散

木香 不見火

神麩 剉炒

陳皮 去白

麥蘖 炒

黃耆 去芦

生姜 切炒黑

阿膠 剉蛤粉炒

白芍藥 各一錢

糯米 一合半

苧根 洗淨三錢

甘州 炙二錢

右吹咀每服四錢水一盞煎至八分去滓幹開口灌連接煎再灌知人事可謂更生之人也

第十七問胞肥臨產難生者何答曰身居富貴口厭甘肥聚樂不常食物無度既飽便臥致令胞胎肥厚根蒂堅牢行動氣急蓋緣不曾預服瘦胎之藥致於

臨產必是難生入月可服無憂散則易生矣
無憂散

當歸 去芦酒浸

川芎

白芍藥 各三錢

木香 不見火

甘州 炙

枳殼 去穢炒

乳香 別研各三錢

血餘 髮灰一錢半以積猪心血和之

右為細末每服二錢水一盞煎至八分日進兩服不拘時候

第十八問坐草驀然氣痿目翻口噤者何答曰蓋因恣意喜怒遂致衝竭榮枯胎轉難動坐草時用性過多腹痛又不能執怒目翻口噤面黑唇青沫出口中

子母俱殞，若兩臉微紅，子死母活，用霹靂奪命丹，急救之。

霹靂奪命丹修合時，勿令婦女雞犬見。

蛇退

一條入瓦
鐘內煨

千里馬

路上左腳舊草鞋
一隻洗淨燒灰一錢

金銀箔

各七片

髮灰

一錢

馬鳴退

蚕退燒灰
一錢

乳香

半錢別研

黑鉛

二錢半水銀七分半
依十五問中法製

右細末以獾猪心血為圓，如梧桐子大，倒流水灌下兩圓，如灌不行，化開灌救。

嚴氏濟生方卷之九

嚴氏濟生方卷之十

校正郭替中產後二十一論治

第十論曰：熱病胎死，腹中者，何答曰：因母患熱病，至六七日以後，臟腑熱極，黑者其胎，是以致死。緣兒死，身冷不能自出，但服黑神散，煖其胎，須臾胎氣溫煖，即自出矣。然又有不因病熱，以致胎死者，或因頓仆，或從高墜下，或因房室驚觸，或臨產驚動太早，觸犯禁忌，產時未到，經血先下，穢露已盡，致胎乾于死腹中，何以驗之？但看產婦舌色青黑，及舌上冷者，是其候也。疑貳之際，且進佛手散三二服，探之，若不死，子

母俱安若胎已死立便逐下的知其胎死則進香桂散須更如手推下黑神散此方產後無所不治

當歸

去芦酒浸

芍藥

乾姜

炮

官桂

不見火

甘州

炙

生地黃

洗各二兩

黑豆

炒去皮
淨二兩

附子

炮去皮臍半兩

右研羅為細末每服二錢七温酒調下○又方不用附子入蒲黃二物並用尤佳香桂散方載產前第十五問下佛手散方載產前第三問下第二論曰胎衣不下者何答曰母生子訖血流入衣

中衣為血所脹是故不得下治之稍緩脹滿腹中上衝心胸疼痛喘急者難治但服奪命丹以速去衣中之血血散脹消胎衣自下亦有胎初下後產婦力少不能更用氣力產胞經停遇風冷乘之血道閉澁故胎衣不下取黑豆二大合炒令熟入醋一大盞煎三五沸去滓分三服温服或取鞋底炙熟熨小腹上下三五次立效

奪命丹

附子

炮去皮臍半兩

牡丹皮

一兩

乾漆

一兩

右為細末用酸醋一升大黃末一兩同熬成膏和

藥圓如梧桐子大，溫酒吞下五七圓，不拘時候。
 第三論曰：難產者，何答曰：胎成之後，子居腹中，每食
 母血，食血有餘，遂成結塊，謂之兒枕。子欲生時，血塊
 先破為敗血散，裹其子，所以難產。當服勝金散，要知
 胎成之後全在調攝。常欲其氣道平順，十月滿足，則
 產無不順矣。更有年少初產，纔覺腹痛，便相告報，傍
 人擾擾，產婦驚怖，不安心氣，蓄結氣道不順，以致難
 產。宜服催生獨勝散及紫蘊飲，順氣安胎，衣破漿行
 須臾即生。
 勝金散

麝香 一錢

鹽豉

一兩 舊青布袋裏燒令紅急以乳鉢研令細

右為細末，取秤錢燒紅，以酒淬之，調下藥一錢七

催生獨勝散方載產前十五問中 紫蘊散方載

產前十六問下

第四論曰：產後血暈者，何答曰：產後血暈，因產所下
 過多，血氣虛極，是故暈悶，甚則昏塞，不知人氣息欲
 絕，暈悶不止，則能斃人。若作暗風治之，誠為謬矣。但
 服清魂散，自瘥如芫蕒湯，黑龍丹，皆要藥也。或以乾
 漆燒煙，衝其鼻，更於產婦房室中頻用醋炭為佳。
 清魂散

澤蘭葉

人參 去芦各二兩

荊芥穗 肆兩

川芎 二兩

甘州 炙搗錢

右為細末每服一錢重熱湯溫酒各小半盞調勻急灌之下咽喉則眼開氣定省人事芎藭湯及黑龍丹方並載產後雜病論治下

第五論曰產後口乾痞悶者何答曰產後血氣暴虛脾胃頓弱食變太早停聚胃脘麪毒上熏於肺是以口乾煩悶心下痞滿宜服見現圓以消化之或有產後勞傷虛羸因事觸忤怒氣上逆以致胸膈痞塞口乾煩悶者亦宜服見現圓蓋其間藥味皆是順氣快

膈之劑紫蘇飲亦可服之見現圓

高良姜 剉炒

姜黃

葶澄茄

陳皮 去白

蓬朮 炮切

人參

京三稜 炮各二兩

右為細末用蘿蔔漫火煮令爛研細將餘汁煮葱糊和圓如梧桐子大不拘時候用蘿蔔湯吞下三十圓或加至五十圓

第六論曰產後乍寒乍熱者何答曰因產勞傷血氣蓋血屬於陰氣屬於陽血氣一傷陰陽互相乘剋所

以乍寒乍熱此特論陰陽不和之所由致者亦有因
產惡露下以留滯胞絡亦令人寒熱但小腹痛急為
異兩陰陽不和宜服增損四物湯敗血停留宜服奪
命丹或黑龍丹增損四物湯亦可兼進

增損四物湯

當歸

去芦酒浸

白芍藥

川芎

乾姜

炮

人參

各二兩

甘州

各半兩

右為段咀每服四錢重水一盞姜三片同煎至六
分去滓微熱服不拘時候 奪命丹方載產後第
二論治下 黑龍丹方載產後難病證治下

第七論曰產後四肢虛腫者何答曰母生子訖例服
黑神散及芎藭湯者取其逐瘀血以生新血也倘惡
露不盡停蓄胞絡生病多端輕者為脹為痛為寒為
熱甚者月水不調閉斷不通久成血瘕以致疝羸有
如產後面目四肢浮腫此由敗血乘虛停積於五臟
循經流入四肢留滯日深腐壞如水致令浮腫醫者
不審便作水氣治之投以甘遂大戟等藥以導其水
虛之復虛因茲夭枉者多矣但服調經散血行腫消
自然良已 黑龍丹亦治產後浮腫血滯所致不可
不知

調經散

沒藥 別研

琥珀 別研各一錢

肉桂 不見火

赤芍藥

當歸 去芦酒浸各一兩

麝香 半錢別研

細辛 洗半錢

甘艸 炙二錢

右為細末每服半錢重生姜汁溫酒各少許調勻服黑龍丹方載產後雜病證治下

第八論曰產後乍見鬼神者何答曰肝能藏血心能主血因產走耗其血勞動肝心敗血奔衝邪淫於心所以乍見鬼神言語顛倒非風邪也但服調經散加生龍腦一捻煎服得睡即安黑龍丹亦能治療

調經散方載之第七論下 黑龍丹方載于產後雜病證治下

第九論曰產後不語者何答曰心者君主之官神明出焉內候血海外應于舌舌者心之機產後敗血停蓄上于於心心氣閉塞則舌強而不語矣但服八珍散自瘥

八珍散

人參

石菖蒲

生地黃 酒蒸焙

川芎 各一兩

朱砂 別研

防風 去芦各半兩

細辛 洗淨一錢

甘艸 炙半兩

右為細末每服一錢薄芎湯調下不拘時候地黃多喜戀膈脾胃不快者以當歸代之其效尤著第十論曰產後腹痛又瀉痢者何答曰因產血氣勞傷外則腠理空疎內則腸胃虛怯若未滿月飲冷當風邪毒乘虛進襲留於分肉之間布於腸胃之內遂致腹脇疔痛痛如刀刺流入大腸腸鳴洞泄洞泄不已痢下赤白宜服調中湯又有食肉太早強食過多停積不化臍腹疼痛而成泄痢者誠有之矣法當消化停滯則愈但不可用牽牛巴豆峻劑以虛血氣第五問中見現圓最佳倉卒未能辨此用局方中治中

湯加縮砂仁煎服
調中湯

良姜

剉炒

當歸

去芦酒浸

肉桂

不見火

白芍藥

附子

炮去皮臍

川芎

各一兩

甘艸

炙

人參

各半兩

右成咀每服三錢水二盞煎至一盞去滓熱服空心食前

第十一論曰產後遍身疼痛者何答曰因產走動血氣升降失其常度留滯關節筋脉引急是以遍身疼痛甚則腰背強硬不能俯仰手足拘攣不能伸屈或

身熱頭痛不可作他病治但服趁痛散循流血氣使筋脈舒暢疼痛自止俛仰得其所矣
趁痛散

川牛膝 去芦 酒浸

川當歸 去芦 酒浸

官桂 不見火

白朮

黃耆 去芦

川獨活 去芦

生薑 各半兩

薤白 二錢半

甘艸 炙三錢

右以咀每服四錢水一盞半煎至八分去滓熱服不拘時候加桑上寄生半兩尤佳

第十二論曰產後大便秘澀者何答曰津液者血之餘因產傷耗血氣津液暴竭氣少不能運掉是以太

便秘澀不通也輕者且進橘杏圓以潤滑之滑則通矣若過六七日腹中滿痛尚且不通此必有燥糞在內乾澀未能得出爾却服麻仁圓以通利之下燥糞則愈若以為有熱用重涼之劑以攻之轉更傷動胃氣變證多端性命危矣
麻仁圓

麻子仁 別研

枳殼 去穰炒

人參

大黃 各半兩

右為細末煉蜜和圓如梧桐子大每服五十圓溫湯米飲任下未通加圓數 橘杏圓方載第五卷

秘結論治下

第十二論曰產後血崩者何答曰因產所下過多血氣暴虛未得平復或因勞役或因驚怒致血暴崩又有榮衛損傷氣衰血弱亦變崩中若小腹滿痛此為肝經已壞為難治俱宜投固經圓止之若小腹脹滿此為內有瘀血則未可止之止之非特淋瀝不止小腹轉加脹滿若小腹脹滿且服芎藭湯及黑龍丹若小腹不滿急是內無瘀血可服固經圓止之惡熱藥者進十灰圓亦得

固經圓

赤石脂 煨

艾葉

補骨脂 炒

木賊 各半兩

附子 一枚炮去皮臍

右為細末陳米飲和圓如梧桐子大食前溫酒送下五十圓米飲亦可 十灰圓方載第十卷崩漏論下

第十四論曰產後腹脹悶滿嘔吐者何答曰胃受水穀脾主運化主血生氣內濡腑臟者也因產腑臟暴虛惡露下少敗血乘虛散於脾胃脾受之而為腹脹胃受之則為吐逆亦有惡露過多氣無所主聚於脾胃脾受之則為腹脹胃受之則為吐逆抵聖湯而治

惡露過多者於抵聖湯中去澤蘭赤芍藥倍加生薑
橘皮也

抵聖湯

赤芍藥

半夏湯炮

澤蘭葉

陳橘皮去白

人參各二錢

甘州炙一錢

生薑一錢

右以咀每服四錢水一盞半煎至七分去滓溫服
不拘時候

第十五論曰產後口鼻黑氣起鼻衄者何答曰陽明
者經脉之海起於鼻交頰中還出挾口交人中左之

右右之左產後氣消血敗榮衛不理散亂入於諸經
却還不得故冷口鼻黑起及變鼻衄此緣產後虛熱
變生此疾不治名曰胃絕肺絕

右遇此疾急取緋線二條并產婦頂心髮二條係
兩中指上節即止無藥可療亦厭襪之一端也

第十六論曰產後喉中氣急喘者何答曰榮者血也
衛者氣也榮行脉中衛行脉外相隨上下謂之榮衛
因產所下過多榮血暴竭氣無所主獨聚於肺中故
令喘也此名孤陽絕陰為難治若惡露不快敗血停
疑上熏於肺亦令喘急如此但服奪命丹血去喘急

自止。

奪命丹

方見第二論下

第十七論曰產後中風者何答曰產後傷動血氣勞損經絡腠理空疎勞役太早風邪乘間而入始則客於皮膚次則入於筋脉又其次也傳於諸臟隨其諸臟經絡而生病焉或身體緩急或頑痺不仁或口目不正或奄奄忽忽神情悶亂乃中風候宜服小續命湯又有產後五七日強力下牀或一月之內傷於房室或懷憂發怒動搖不和或因着艾傷動臟腑得病

之初眼溢口噤肌肉羸搖漸致腰背筋急強直者不可治此乃人作非的爾中風所得也

小續命湯

方見第一卷中風論治下

第十八論曰產後心痛者何答曰心者血之主人有伏宿寒因產大虛寒搏於血血凝不得消散其氣遂上衝擊於心之絡脉故心痛但以太岩蜜湯治之寒去則血脉温而經絡通心痛自止若誤以為所傷治之則虛極寒益甚其心絡寒甚傳心之正經則變為真心痛朝發夕死夕發朝死若因七情傷感血與氣

倦而心痛者宜服玄胡索湯則痛自止

大岩蜜湯

熟地黄

酒蒸焙

當歸

去芦酒浸

川獨活

去芦

乾姜

炮

吳茱萸

炒

桂心

不見火

白芍藥

小草

各一兩

甘州

炙

細辛

各半兩

右吹咀每服半兩水二大盞煎至一盞去滓微熱

服不拘時候 玄胡索湯方載婦人血氣論治下

第十九論曰產後熱悶氣上轉為脚氣者何答曰產

臥血虛生熱復因春夏取涼過度地之蒸濕因足履

之所以著而為脚氣其狀熱悶掣縱驚悸心煩嘔吐
氣上皆其候也服小續命湯兩三劑必愈 方見前惡
附子者宜服獨活寄生湯若嘔者去地黃倍加生薑
獨活寄生湯

方見脚氣論治下

第二十論曰產後汗出多而變瘥者何答曰產後血
虛肉理不密故多汗因遇風邪搏之則變瘥也瘥者
口噤不開背強而直如發痛之狀搖頭馬鳴身反折
須臾又發氣息如絕宜速斡口灌小續命湯稍緩即
汗出如雨手拭不及者不可治方載中風門下

右方不特治產婦凡婦女偶中此疾急以此藥灌之無不愈者或服他藥則不及矣
第二十一論曰產後所下過多虛極生風者何答曰婦人以血為主因產血下過多氣無所主唇青肉冷汗出目與神昏命在須臾此但虛極生風也如此則急服濟危上丹若以風藥治之則誤矣
濟危上丹

太陰玄精石

別研

乳香

別研

五靈脂

硫黃

別研

桑上寄生

陳皮

去白

阿膠

蛤粉炒

卷栢

生各等分

右將上四味同研勻石器內微火炒勿令焦了再研極細後入餘藥末用生地黃汁煮糊為圓如梧桐子大每服五十圓食前用溫酒吞下當歸酒亦得

產後雜病證治

黑龍丹治妊娠臨產難生或胎衣不下產後血暈不省人事狀如中風血崩惡露不止腹中刺痛血滯浮腫血入心經語言顛倒如見鬼神血風相搏身熱頭痛或類瘡狀胎前產後一切危急狼狽垂死以此藥灌三四圓無不救活者

五靈脂

當歸 去芦酒浸

生地黃

川芎

高良姜 剉各一兩

右細剉入沙鍋內紙筋鹽泥固濟炭火煨通紅候

火滅冷取出細研入後藥

百州霜 五兩

乳香

生硫黃

琥珀

花蘂石 各一錢

右五味並研細末同前藥和勻米醋煮麵糊為圓如彈子大要服用火煨藥通紅投入生姜自然汁浸碎之以無灰酒併合童子小便頓服神效不可盡述

當歸羊肉湯治產後發熱自汗肢體痛名曰葶勞

當歸 去芦酒浸

人參 各七錢

黃芪 去芦一兩

生姜 半兩

右以咀用羊肉一斤煮清汁五大盞去肉入前藥煎四盞去滓作六七服早晚三四服収汗止頭痛猪腰子粥治產後葶勞發熱

猪腰子 一隻

右去白膜切作柳葉片少鹽酒拌之先用粳米一合入葱椒煮粥鹽醋調和將腰子鋪盆底用熱粥蓋之如作盒生粥狀喫之每日空心作粥極妙

芎歸湯治大產小產對証加添服餌

芎藭

當歸

去芦酒浸

右等分咬咀每服三錢水一盞半煎至七分去滓
溫服不拘時候腹中刺痛加白芍藥煎○口乾煩
渴加烏梅麥門冬煎○發寒熱加乾姜白芍藥煎
水停心下微嘔逆加茯苓生姜煎虛煩不得眠加
人參竹葉煎大便秘澀加熟地黃橘紅杏仁煎小
便不利加車前子煎腹脇膨脹加厚朴煎血崩不
止加香附子煎咳嗽痰多加紫苑半夏生姜煎腰
痛脚痛加牛膝煎心下疼痛加玄胡索煎惡血不

下腰腹重痛加牡丹皮煎

漏蘆散治乳婦氣脉壅塞乳汁不行

漏蘆

二兩半

蛇蛻

炙一十條

瓜蒞

十个急火燒存性

右作細末每服二錢溫酒調下不拘時候仍喫熱
羹助之

鍾乳粉散治乳婦氣少血衰脉澀不行乳汁絕少

成煉鍾乳粉

右細羅每服二錢濃煎漏蘆湯調下不拘時候

婦人室女雜病論治

血氣論治

論曰內經云百病皆生於氣經有所謂七氣有所謂九氣喜怒憂思悲恐驚者七氣也七情之外益之以寒熱二證而為九氣也氣之為病男子婦人皆有之惟婦人血氣為患尤甚蓋人身血隨氣行氣一壅滯則血與氣併或月事不調心腹作痛或月事將行預先作痛或月事已行淋瀝不斷心腹作痛或連腰脇或引背脊上下攻刺吐逆不食甚則手足搐搦狀類驚癇或作寒熱或作癥瘕肌肉消瘦非特不能受孕久而不治轉而為瘵疾者多矣玄胡索湯治婦人室女七情傷感遂使血與氣併

心腹作痛或連腰脇或引背脊上下攻刺甚作搐搦經候不調但是一切血氣疼痛並可服之

當歸 去芦酒浸 剉炒 玄胡索 炒去皮 蒲黃 炒

赤芍藥 官桂 不見火 各半兩 片子姜黃 洗

乳香 沒藥 木香 不見火 各三錢

甘艸 各二錢半

右咬咀每服四錢水一盞半生姜七片煎至七分去滓食前溫服吐逆加半夏橘紅各半兩
琥珀散治婦人室女月水凝滯脇肋脹刺臍腹痛不可忍及惡露不下血上攻心迷悶不省應有血氣

腹痛並皆治之

牡丹皮 去木

赤芍藥

蓬莪朮 剉

荆三稜 剉

刘寄奴 去梗

熟地黄 酒蒸

玄胡索 炒去皮

當歸 去芦酒浸

烏藥

官桂 不見火 各一兩

右用前五味用烏豆一升生姜半斤切片米醋四

升同煮豆爛為度焙乾入後五味同為細末每服

二錢用温酒調服空心食前

三神圓治室女血氣相搏腹中刺痛痛引心端經行
澁少或經事不調以致疼痛

橘紅 二兩

玄胡索

去皮醋煮 一兩

當歸

去芦酒浸 畧炒一兩

右為細末酒煮米糊為圓如梧桐子大每服七十
圓加至一百圓空心艾湯送下米飲亦得

帶下論冷

論曰巢氏病源論婦人有三十六疾所謂三十六疾
者七癥八瘕九痛十二帶下是也然所謂十二帶下
者亦不顯其証狀今人所患惟赤白二帶而已推其
所自勞傷過度衝任虛損風冷處於胞絡此病所由
生也且婦人平居之時血欲常多氣欲常少方謂主
氣有原百疾不生儻或氣倍於血氣倍生寒血不化

赤遂成白帶氣平血少生熱血不化紅遂成赤帶寒熱交併則赤白俱下有室女或產後虛損而有此疾者皆令孕育不成以致絕嗣凡有是證速宜治之久而不治令人面色黧黧肌肉瘦瘠腹脇脹滿攻刺疼痛甚致足脛枯細多苦逆奔庭羸不能食矣診其脈右手尺脈浮浮為陽陽絕者無子若足冷帶下也白聖圓治婦人白帶下而不止面生黧黧逆臍疼痛腰脊疼日漸虛困產後白帶並宜服之

- 白聖 火煨
- 烏賊骨 醋炙
- 當歸 去芦酒浸
- 鵲巢灰
- 烏餘糧 煨醋淬七次
- 鼈甲 醋炙

乾姜 炮 紫石英 火煨醋淬七次 附子 炮去皮臍
 金毛狗脊 煨去毛 芎藭 各二兩 艾葉灰 半兩
 鹿茸 煨去毛切片醋炙一兩 香附子 醋煮二兩
 右為細末醋煮糯米糊為圓如梧桐子大每服七十圓空心用溫酒米飲任下
 白欬圓治室女衝任虛寒帶下純白

鹿茸 醋蒸焙二兩 白欬 金毛狗脊 煨去毛各一兩
 右為細末用艾煎醋汁打糯米糊為圓如梧桐子大每服五十圓空心溫酒下
 當歸煎治婦人室女赤帶不止腹內疼痛四肢煩疼

不欲飲食日漸羸瘦

當歸

去芦酒浸

赤芍藥

牡蛎

火煨取粉

熟地黃

酒蒸焙

阿膠

剉蛤粉炒成珠子

白芍藥

續斷

酒浸已上各一兩

地榆

半兩

右為細末醋糊為圓如梧桐子大每服五十圓空心用米飲送下

卷栢圓治婦室腹臙冷熱相攻心腹絞痛腰痛腿痛

赤白帶下面色痿黃四肢羸乏

黃耆

去芦蜜水炙

熟地黃

洗各二兩半

卷栢

醋炙

赤石脂

煨醋汁泔水

鹿茸

醋炙

白石脂

芎藭

桑寄生

地榆

各一兩

乾姜

炮三分

代赭石

煨醋淬

艾葉

醋炒

鼈甲

醋炙

當歸

去芦酒洗微炒

木香

不見火

龍骨

各半兩

右為末醋煮糯米糊為圓如梧桐子大每服七十圓空心食前用米飲送下

血痕論治

論曰腹中之病經書所載有積有聚有癖有疝有瘕有瘕蓋積者五臟所積其痛不離其部聚者六腑所聚其痛無有常處癖者病處兩脇之傍疝者強急而

多痛瘕者微也。有塊可驗，瘕者假也。假物成形，其結聚浮假，推移乃動。此無它，皆由飲食不節，寒溫不調，氣血勞傷，臟腑虛弱，受於風冷，與氣血相結而成也。惟婦人血瘕為病，異於丈夫，其所以異者，非獨關於飲食不節而已。多因產後勞動太早，喜怒不調，臟虛受寒，或月水往來取涼過度，惡血不散，遇寒搏之，寒搏則凝，皆能成血瘕也。病作之時，令人心脇攻刺，小腹痛重，或腰背相引而痛，久而不消，令人黃瘦羸弱，遂致絕產。診其脉弦急大者，生虛小弱者，死不治。琥珀圓治婦人血瘕，腹中有塊，攻刺小腹，痛重或腰

春相引而痛久，而不治黃瘦羸乏。

琥珀 別研 白芍藥 川烏 炮去皮

川牛膝 去芦酒浸 鼈甲 醋炙 蓬莪朮 炮

當歸 去芦酒浸 梓厚朴 薑制炒 各一兩 木香 不見火

澤蘭葉 官桂 不見火 各半兩 麝香 別研半錢

右為細末，酒糊為圓，如梧桐子大，每服七十圓，空心溫酒吞飲，任下。

通經圓治室女月經不通，臍下堅結，大如杯，亦發熱往來，此名血瘕。

當歸 去芦酒浸 一錢半 蓬朮 炮 桂心 不見火

長天琦王

青皮 去白

大黃 炮

乾姜 炮

桃仁 去皮尖炒

乾漆 炒令煙盡

川椒 去目及閉口者微炒
放地上蓋蓋出汗

紅花 各一錢

右十味為末將一半用醋煮熟成膏子後入一半入雞子清同搗勻圓如梧桐子大每服二十圓空心用淡醋湯下

六合湯治婦室經事不行腹中結塊疼痛腰痛

當歸 去芦酒浸

白芍藥

官桂 去皮

熟地黃 洗

川芎

蓬朮 炮各等分

右以咀每服四錢水一盞半煎至七分去滓溫服

空心食前

崩漏論治

論曰崩漏之疾本乎一證輕者謂之漏下甚者謂之崩中且平居婦人經脉調適衝任二脉互相滋養陰陽二氣不相偏勝則月事以時下儻若將理失宜喜怒不節疲極過度大傷於肝蓋肝為血之府庫喜怒勞役一或傷之肝不能藏血於官宮不能傳血於海所以崩中漏下漏下者淋瀝不斷是也崩中者忽然暴下乃漏證之甚者也其狀或如豚肝或成五色與血俱下又或如泔涕如爛瓜汁又或如豆羹汁如藍

靛色至有黑如乾血相雜亦有純下瘀血者此皆衝
 任虛損喜怒勞役之過致傷於肝而然也久久不止
 面黃肌瘦虛煩口乾臍腹冷痛吐逆不食四肢虛困
 甚則為脹為腫診其脈寸口脈弦而大弦則為減大
 則為孔減則為寒孔則為虛寒虛相搏其脈為革主
 半產漏下又尺寸脈虛者漏血漏血脈浮者不可治
 治之之法調養衝任鎮駐血海血海溫和歸於有用
 內養百脈外為月事自無崩中漏下之患矣
 鎮宮圓治婦人崩漏不止或下五色或赤白不定或
 如豆汁或狀若豚肝或下瘀血臍腹脹痛頭暈眼花

久久不止令人黃瘦口乾胸煩不食

代赭石 火煨醉 碎柴次
 紫石英 火煨醋 碎柴次
 禹餘糧 火煨醋 碎柴次

香附子 醋煮 各二兩
 陽起石 煨紅細研
 芎藭

鹿茸 燎去毛 醋蒸焙
 茯神 去木
 阿膠 剉蛤粉炒 成珠子

蒲黃 炒
 當歸 去青酒浸 各一兩
 血竭 別研半兩

右為細末用艾煎醋汁打糯米糊為圓如梧桐子
 大每服七十圓空心用米飲下

十灰圓治崩中下血不止

錦灰
 黃絹灰
 馬尾灰
 艾葉灰
 藕節灰
 蓮蓬灰

本草綱目卷之十一
 崩漏
 行經不調
 行經不調
 行經不調

油髮灰

赤松皮灰

櫻櫚灰

蒲黃灰

右等分爲細末用醋煮糯米糊爲圓如梧桐子大每服七十圓加至一百圓空心米飲送下

栝子仁湯治婦室憂思過度勞傷心經心主於血心虛不能維持諸經之血亦能致崩中下血之患

當歸 去芦酒浸

芎藭

茯神 去木

小艸

阿膠 剉蛤粉炒成珠子

鹿茸 燎去毛酒蒸焙

栝子仁 各一兩

香附子 炒二兩

川續斷 酒浸一兩半

甘艸 炙半兩

右咬咀每服四錢水一盞半生姜五片煎至七分去滓空心食前溫服

婦室搖擗證治

論曰婦人室女有生平無病者一旦忽感手足搖擗之證痰涎壅塞精神昏憤不省人事往往醫者便作癩證治之非也殊不知婦室以肝氣爲主蓋肝乃血之府庫肝既病經候愆期或多或少或閉斷不通肝官埋塞隨其虛實而生病焉婦人多由血虛七情所感而生風女子血實七情所感而生熱邪乘四末是以卒然手足搖擗狀類癩證也治療之法先誼多進

蘇合香圓温酒化服以快其氣候其甦醒丞丞調經
 調經之法塞者通之通者調之虛者與之實者取之
 婦人宜服白薇圓女子宜服澤蘭圓多服以病退為
 期也

白薇圓

白薇

紫石英

火煨醋
淬米泔

琥珀

別研

白芍藥

桂心

不見火

川續斷

酒浸

防風

去芦

山茱萸

取肉

當歸

去芦酒浸

栝子仁

炒

川烏

炮去皮尖

牡丹皮

去小各二兩

木香

不見火半兩

麝香

別研半錢

右為細末生姜自然汁打米糊為圓如梧桐子大
 每服七十圓空心食前用温酒米飲任下

澤蘭圓

當歸

去芦酒浸

澤蘭葉

琥珀

別研

羚羊角

鎊

防風

去芦

生地黃

洗

橘紅

安息香

酒熬去
砂石

牡丹皮

去木各兩

赤芍藥

一兩半

鐵粉

半兩

麝香

半錢
別研

石為細末煉蜜為圓如梧桐子大每服七十圓空
 心食前温酒米飲任下
 嚴氏濟生方卷之十終

官刻增廣太平和劑局方

附指南總論 圖經 發行

清陳氏幼幼集成 發行

天明元年辛丑夏六月再校

大坂心齋橋南久寶寺町

河內屋八兵衛

崇高堂藏板目錄

大坂心齋橋南久寶寺町

河內屋八兵衛

天工開物 明末應星著 稀麻衣食膳治丹毒金至九冊 類其產物製造秘訣明之

朱子書節要 朝辭李退溪先生編 朱文公供復 皇理什冊 字一切要九ノノ

圓機活法 句問七對フ正レ例ヲ考 一事ヲ用ル等ステ詩ヲ作 爲ニ功者初ニ必用ク書ニ甘本

朱子年譜 明葉公回撰 朱夫子一代ノ行實ヲ詳ニ 尤ニ道學者必讀ク書ナリ

詩轍 豊後三浦安貞先生著 和漢古今凡ノ詩ニツカル所ノ事悉ク 此書ニ載テテ詩ヲ全クナリ

同外紀 朱文公門下諸賢ノ傳ヲ アツク年譜ニツキテヨムニ ナキ書ナリ

六如菴詩鈔 上人ノ作家ナルヲ考 内ニテ私スル集後 三冊 進ノ海式トスキモノナリ

白鹿洞書院揭示 開齋 先生一冊 集注

來青軒詩集 讚岐國長洲先生著 先生詩ヲ好テ其名一冊 高レ取テ其高調ヲ見シ

小學句讀 中村惕齋先生点 先生集 實事良人ニ教 甚ク謹ク故其校正 四冊

詩則 秋東深先生著 詩法詩式ヲ述ヘ句 法抑々用事命題等ヲ悉ク古詩賦等 辭樂府近体等ノ諸体ヲ論ス

近思錄 羅山先生点 此書數板アレ成 校訂ノ精ニテ 四冊 凡ク家藏明極 編刻シテ最ニ

唐人萬首絕句選 清漁 先生一冊 洋撰

王陽明文錄鈔 合集ノ中ニテ 字者ニ益ア 五冊 八文ヲ抄出ス

古今銘彙 廬門先生輯 古來文人ノ銘スル所名山 一冊 名川名器等門類ヲカタク

慎終疏節 惕齋先生著 喪祭ノ 礼ハ子タレモ 習ヒ熟スナリ 三冊 乃チ此書ニ展通行ク奉ニ

翰墨琅函 尺牘ヲ字ア簡便ノ書ナリ 古今長崎ニ來ル清客 二冊 皆此書ヲ座ニ置ク用式トス

先達遺事 蘭齋先生及門流ノ諸賢 并ニ同時諸先生ノ事跡ヲ 行ノ録ス者心得ニ書セ

竹書紀年

太古竹書紀年之時ノ史ヲ
戰國ノ時魏王ノ塚ヲ發テ二冊
得ルハ今ノ古史ヲ考スキ奇書ナリ

潛夫論

後漢王符著
王符隱居シテ此書三千餘篇ヲ著ス
其時代ノ得失ヲシテ論ズ

唐國史補

唐李肇著
唐朝君臣ノ秘事奇跡ノ三冊
國史ニ載スルヲ出セリ博物ヲ資ル

續記癸亥記

明吳廷翰著
史ヲ讀テ今ノ君臣ノ行履ニ二冊
疑ヲ考テ論シ實問ニ備フ

左傳兵車圖

常山湯淺先生著
此圖一展シテ兵車一校指
戈矛等ノ制即チ即チ知ス

和漢明辨

西嶽大華先生著
本邦皇統ノ至徳ヲ論ジ異一冊
邦儒學ノ弊ヲ并ニ見識ス

循環曆

小泉松卓著
按時曆ヲ考テ
法解シ土農工商ノ作業及ノ五冊
望華旧版方角ノ合ハラズ

嚴氏濟生方

宋嚴用和著
古方ヲミテ其法論五冊
ヲ述リ備フ備フニ精ニナリ

眼科全書

明袁學淵著
眼目ノ病論治法得妙藥三冊
方等悉ク備フル眼科ノ秘本ナリ

官增廣和劑局方

子保中
自命ニ因テ
增補スルナリ

新刻孝經

備前學校西條先生註
入字自刻改訂ス
二冊

大學新疏

楊東先生著
朱子章句ニ臨テ作ラザル
二冊

中庸新疏

石岡作
三先生本善ノ火製ニナカニ
二冊

易學啟蒙圖說

馬場信武著
初字ノ考ニ
一冊

學古篇

明五丘衍著
博ク象數ノ古ヲ考ヘテ古書ヲ
一冊

古篆論語

依山神師著
篆文長箋ヲ本據トシテ字
一冊

王羲之座鶴銘

晋代ノ大字無
比ノ珍ノ古篆
一冊

歐陽詢千字文

清人ノ篆本
以テ編刻スル
一冊

趙子昂赤壁賦

亦登ノ墨本
教刻アリ
一冊

清王澐千字文

先生善書
名自刻此刻
一冊



Handwritten characters at the bottom left of the page.

